

REFERAT AIA - Aningaasaqarnermut Inuussutissarsionermullu Ataatsimiititaq d. 31-10-2023

Mødedato Tirsdag d. 31. oktober 2023 kl. 13:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Kommuneqarfik Sermersooq sinnerlugu aningaasaatinut piumasaqaatiniit immikkut akuerineqarnis	6
Puukunik utertitsisarneq pillugu kiffartuussinermik isumaqatigiissummut piginnaatitsineq.....	9
Lukket.....	12
Taasariaqartut allat.....	13
Imaqarniliap akuerineqarnera.....	14

Punkt .: Saqqaa

Ilaasortat

Avaaraq S. Olsen (IA) *siulittaasoq*
Juaaka Lyberth (IA)
Uju Petersen (IA)
Justus Hansen (D)
Ken Madsen (N)
Dorthe-Marie Mogensen-Fontain (S)
Doris J. Jensen (S)

Beslutning

Ataatsimeeqataasut:

Avaaraq S. Olsen (IA) *formand*
Juaaka Lyberth (IA)
Uju Petersen (IA)
Justus Hansen (D)
Dorthe-Marie Mogensen-Fontain (S)

Attaveqaatitigut peqataavoq:

Ken Madsen (N)
Laura Táunâjik Uitsatikitseq (S) er suppleant for Doris J. Jensen(S)

Ataatsimeeqataasinnaanatik nalunaartut:

Doris J. Jensen (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

**Punkt 1: Kommuneqarfik Sermersooq sinnerlugu aningaasaatinut
piumasaqaatiniit immikkut akuerineqarnissaq pillugu qinnuteqarnissamut
ESANI A/S piginnaatinneqarnissaa**

Beslutning

Inassuteqaat akuersissutigineqarpoq.

Kommunalbestyrelse sinnerlugu aningaasaatigut piumasaqaatiniit immikkut akuerineqarnissaq pillugu qinnuteqarnissamut ESANI A/S'ip piginnaatinneqarnissaa

Aalajangiiffigisassaq

SagsID.: EMN-2023-04040

Suliffeqarfimmu Kiffartuussivik - pisortaq Ole Jakobsen / OJAK

Inassuteqaat

Suliffeqarfimmu Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- minnerpaamik 25%-imik akiliisinnaassuseqarnissaq pillugu piumasaqaammut immikkut akuerineqarnissaq pillugu ESANI A/S Kommuneqarfik Sermersooq sinnerlugu Naalackersuisunut qinnuteqarsinnaanerani pisinnaatinneqassasoq
- ESANI A/S piginnaatinneqassasoq, Kommuneqarfik Sermersooq sinnerlugu Avatangiisinut Aningaasaateqarfimmu 50 mio. koruunit tungaannut tapiiffigineqarnissamik qinnuteqarnissamut, ikuallaavinnut kommuninit ataatsimoortumik pigineqartunut pilersitsiniarnermut atatillugu
- Avatangiisinut aningaasaateqarfimminngaanniit tapiissutaasinnaasutut tiguneqartunik ilassutitut aningaasaliissutinik pilersitsinissamut akuersissuteqarnissamullu aammalu suliffeqarfimmu aningaasaliissutitut tunniunneqartussanut Borgmesteri pisinnaatinneqassasoq
- suliaq Kommunalbestyrelsimu akuersissutigisassanngorlugu ingerlateqqinneqassasoq

Suliassamik saqqummiussineq

Kommune Qeqertalik, Kommuneqarfik Sermersooq, Qeqqata Kommunian aamma Kommune Kujalleq tamarmik immikkut ESANI A/S-imi 25%-imik piginneqataapput. Piginneqataasut tamarmik suliffeqarfimmu 500.000 koruuninik aningaasaliissuteqarnikuupput saniatigullu tamarmik immikkut ansvarlig lånekapital-itut taaneqartartumik 10 mio. koruuninik aningaasanik attartortitsillutik. Tamatuma saniatigut piginneqataasut tamarmik immikkut Avatangiisinut Aningaasaateqarfimmit 12,5 mio. koruuninik tapiiffigineqarsimapput, suliffeqarfimmu aningaasaliissutigisimasaminnik.

Suliffeqarfik sanaartornermut taarsigassarsisimavoq GrønlandsBankenimi, BankNordikimi aamma Nykreditimi Nuummi Sisimiunilu ikuallaavinnik nutaanik marlunnik sanaartorneq aningaasalersorsinnaajumallugu. Suliffeqarfiup sanaartornermut taarsigassarsinermini ikuallaaviit qularnaveeqqusiusimavai.

Kommunalbestyrelsip akuerseqataaffiginikuuaa suliffeqarfik ikuallaavinnik qularnaveeqqusiusisinaanera. Kommunalbestyrelsip akuersinissaanut piumasaqaataavoq suliffeqarfiup akiliisinnaassusia minnerpaamik 25%-imiissasoq.

Ikuallaaviit sanaartorneqarneri naatsorsuutigineqartumit akisunerulersimapput taarsigassarsianullu erniat aamma sanaartukkat piffissami sivisuumi aningaasalersorneqarnissaannut erniat qaffassimallutik. Taamaammat suliffeqarfiup maanna misissorpaa sanaartukkanut aningaasartuutaanerulertussat aningaasalersornissaannut periarfissanik ujaasilluni.

Avatangiisinut aningaasaateqarfimmiit sanaartukkanut tapiisoqaqqinnissaq pillugu pilersaaruteqartoqarpoq, tassani piginnittut siusinnerusukkat katillugit 50 mio. koruuninik tapiissutinik pissarsinikuullutik. Tamatuma saniatigut misissorneqarpoq avataanit aningaasalersuisoqarsinnaanera amerlanerusunik taarsigassarsinikkut. Suliniummut aningaasalersuinissamut suli 50 mio. koruunit tungaannut qulakkeerineqarnissaat pisariaqartinneqarpoq.

Aningaasaateqarnissamik pisariaqartitsineq taarsigassarsinikkut pissappat, taava ukiuni arlalinni suliffeqarfiup akiliisinnaassuseqarnera 25%-it ataateqqasimasussaassavaa. Akiliisinnaassuseq 2024-mi 18%-it miss. apparsimassaaq, ukiunilu tulluuttuni qaffakkiartussalluni 2031-mi 25%-it angusimaqqilissallugu.

Ikuallaavinnik taakkunannga marlunnik qularnaveeqqusiussineq pillugu Kommunalbestyrelsip akuersinera kommunip naatsorsuutaani kukkunersuisunit oqaasertalersorneqannginnissaa qulakkeerumallugu, pisariaqarpoq nammineerluni aningaasalersornera annertusisissallugu, piginnittut suliffeqarfimmu aningaasaliissuteqaqqinnerisigut, imaluunniit immikkut ittumik qinnuteqarluni akiliisinnaassuseqarnissap 25%-imiittusnaaneranut piumasaqaatip sanioqqunneqarsinnaaneranut. Aningaasaqarnermut Akileraartarnermullu Naalakkersuisoqarfiup nalunaarutigivaa, kommunip immikkut ittumik akuereqqulluni qinnuteqaataa akuersaartumik nalilersorumaarlugu.

Suliffeqarfiup siulersuisuisa nalilerpaat immikkut ittumik akuereqqulluni qinnuteqarnissaq tulluarnersasoq piginnittut suliffeqarfimmu aningaasaliissutigeriikkaminnik qaffaanissaannik piumaffiginissaannut sanilliullugu.

Taamaammat ESANI A/S-ip siulersuisuisa piginnittut piumaffigai piginnaatitsissummik tuneqqulluni, inatsit najoqqutaralugu akiliisinnaassutsip minnerpaamik 25%-iusussap immikkut ittumik akuerineqarluni ataanneqarsinnaaneramik qinnuteqarnissamut aammalu kommune sinnerlugu Avatangiisinut Aningaasaateqarfimmu 50 mio. koruunit tungaannut tapiiffiqineqarnissamik qinnuteqarnissamut, ikuallaavinnut kommuninit ataatsimoortumik pigineqartunik pilersitsiniarnermut atatillugu.

Ingerlatsivimmit aningaasatigut sulisoqarnikkullu naliliinerit

Suliassamik saqqummiussineq kommunimut toqqaannartumik aningaasatigut kinguneqassanngilaq.

Kommunit suliffeqarfiutaasa akiliisinnaassuseqarnissaat pillugu maleruaqqusat immikkut ittumik akuerineqarluni sanioqqunnissaannik qinnuteqaat itigartinneqassagaluarpat, taava suliffeqarfik 2023-mi aningaasanik pisariaqartitsisussaavoq, inatsimmi piumasaqaat naammassisinnaajumallugu. Suliffeqarfiup Avatangiisinut Aningaasaateqarfimmu tapiiffiqeqqulluni qinnuteqarnera akuerineqassagaluarpat, taava tapiissutaasut kommuninut aningaasaliissutitut ilanngunneqartussaapput, malitsigisaanillu suliffeqarfimmu taarsigassarsisitsinertut aningaasaliissutigineqassallutik, ansvarlig lånekapital-itut taaneqartartumik ilusilerlugit.

Suliffeqarfimmu Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppernarsaatillit

- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq
- Kommuneqarfik Sermersuumi aqutsinermut ileqqoreqqusaq 14. marsi 2022-meersoq

Ilanngussat

Pisariaqanngilaq.

Punkt 2: Puukunik utertitsisarneq pillugu kiffartuussinermik isumaqatigiissummut piginnaatitsineq

Beslutning

Inassuteqaat akuersissutigineqarpoq.

Puukunik utertitsisarneq pillugu kiffartuussinermik isumaqatigiissummut piginnaatitsineq

Aalajangiiffigisassaq

SagsID.: EMN-2023-04040

Suliffeqarfimmut Kiffartuussivik - pisortaq Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ESANI A/S-mi siulersuisuni kommunip sinniisua utertitsisarnermi allaffissornikkut aqutsineq pillugu Namminersorlutik Oqartussanut isumaqatigiissusiornermi akuersissuteqarnissamut piginnaatitsissummik tunineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Namminersorlutik Oqartussat Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfik aqutugalugu Kalaallit Nunaanni puukunik utertitsisarneq pillugu Namminersorlutik Oqartussat periusissiaata allaffissornikkut ESANI A/S-imit aqunneqarsinnaanissaa pillugu ingerlatseqatigiiffimmut saaffiinnipput.

Ulloq 29. september 2023 ESANI A/S-imi siulersuisut ataatsimiinnerminni suliaq eqqartorpaat tamannalu tunngavigalugu siulersuisut kissaatigaat piginnittut siunissami puukunik utertitsisarnermi periutsimi suliassat pillugit ingerlatseqatigiiffiup ilumut peqataatinneqarnissaa pisariaqarnerisq isummerfigeqqullugu.

Ingerlatseqatigiiffimmik piginnittut Namminersorlutik Oqartussat puukunik utertitsisarnermi periutsip allaffissornikkut aqunneqarnissaa pillugu siulersuisut isumaqatigiissusiorsinnaanissaannik pisinnaatitsissasut siulersuisunit innersuussutigineqarpoq. ESANI A/S-imut siulersuisuni Kommuneqarfik Sermersooq Sanarfinermut Avatangiisinullu Ingerlatsivimmiit pisortamit sinniisoqassaaq.

Maannakkut puukunik utertitsisarnermi periuseq immiaaqqaanut assigiinngitsunut tamanut – imigassartaata kimitussusaa apeqqutaatinnagu, imeruersaatit kulysre-tallit, matumani sodavandit, energidrik-it, cider-it kiisalu alkopops-inik taaneqartartut (sodavand-it imigassamik akusat), imeruersaatit kulysre-qanngitsut, matumani puilasumit kuuttumit imeq, lemonade, iste assigisaalu ilanngullugit, aamma saftinut imaluunniit paarnat naatitanilluunniit imeruersaatit puui ilanngullugit - atuutilerluni annertusineqassasoq Namminersorlutik Oqartussat aalajangerpaat.

Puukunik utertsitsinermi periutsimut nutaamut allaffissornikkut aqutsineq ESANI A/S-ip ingerlatissagaa Namminersorlutik Oqartussat kissaatigaat. Nunami tamarmi inoqarfinni puukunik utertitanik aallertarnissamik aamma pisiniarfinnut akiliisarnissamik suliassat imaqarput.

Puukunik utertsitsinermi periutsimut allaffissornikkut aqutsineq pitsaasumik sunniuteqassasoq ingerlatseqatigiiffik isumaqarpoq. Taamaalilluni inoqarfiit eqqagassaataanik aallerneq iluatsillugu puukunik immakkut angallassineq ingerlaalissaaq. Eqqakkanik puukunillu aallertoqartalerpat inoqarfinnut orniguttarnerit amerleriarnissaat ingerlatseqatigiiffiup naatsorsuutigaa. Kommuninut akulikinnerusumik eqqakkanik passutassanik ESANI A/S-imi suliarineqartussanik nassiussisalernerunermik sunniuteqassaaq. Tamannalu inoqarfinni eqqakkanut toqqorsivinnik annikinnerusumik pisariaqartitsinermik kinguneqassalluni.

Puukunik utertitsisarnermut periuseq ataatsimut isigalugu illoqarfinni asimilu eqqagakut annikillinissaanut sunniuteqaqataassaaq. Tamanna eqqiluutsitsinermut aningaasartuutitut pitsaasumik sunniuteqassaaq. Tamatuma saniatigut puukunik utertitsisarnermi periuseq nalinginnaasumik eqqakkat annertussusaannut annikillisitsissaaq. Taamaalillutik kommunit katersillutik, poortuillutik annikinnerusunik eqqaasalissapput.

Ingerlatseqatigiiffiup puukunik utertitsisarnermi allaffissornikkut aqutsinissaq pillugu Kalaallit Nunaanni Namminersorlutik Oqartussanut isumaqatigiissusiornissamut ESANI A/S-imi siulersuisuni kommunip sinniisaata akuerseqataanissaanut aalajangiinikkut piginnaatitsisoqarpoq.

Ingerlatsivimmit aningaasatigut sulisoqarnikkullu naliliinerit

Siunnersuut Kommuneqarfik Sermersuup aningaasaqarneranut toqqaannartumik kinguneqartussaangilaq.

Puukunik utertitsisarnermut allaffissornikkut aqutsinermut atatillugu aningaasartuutit puukunik utertitsinermi periutsimiittunut utertitat akitsuusersornerisigut aningaasalersorneqartassapput. Tamatuma saniatigut aaqqissuussinermut aqutsisoqarnikkut ajunngitsorsiassaartoqarnissaa ingerlatseqatigiiffimmit naatsorsuutigineqarpoq. Ataatsimut isigalugu puukunik utertitsisarnermi allaffissornikkut aqutsineq ESANI A/S-ip ingerlanneqarneranut pitsaasumik tunniussaqaassaaq tassa Namminersorlutik Oqartussat sinnerlugit ingerlatsinissamut ingerlatseqatigiiffimmut pilerinartuussasoq nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Imeruersaatit immiaaqqallu puui pillugit Namminersorlutik Oqartussat nalunaarutaat 28. september 2023-meersoq
- Kommuneqarfik Sermersuumi aqutsinermut ileqqoreqqusaq 14. marsi 2022-meersoq

Ilanngussat

Soqanngilaq.

Punkt 3: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 10:15.